

BOSNA I HERCEGOVINA  
FEDERACIJA BOSNE I HERCEGOVINE  
KANTON 10  
OPĆINSKI SUD U LIVNU  
Broj: 68 0 St 085707 25 St  
Livno, 09.06.2026.. godine

Općinski sud u Livnu, stečajni sudija Zoran Bajić, u stečajnom postupku nad stečajnim dužnikom „GAME“ d.o.o. Tomislavgrad sa sjedištem u Tomislavgradu, Kovači bb, van ročišta, dana 09.06.2026. godine, donio je sljedeće:

### RJEŠENJE

1. Zaključuje se stečajni postupak nad stečajnim dužnikom „GAME“ d.o.o. Tomislavgrad sa sjedištem u Tomislavgradu, Kovači bb, MBS:1-1660, JIB:4281000270001, zbog nedostatka stečajne mase.
2. Ovo rješenje biće objavljeno u „Službenim novinama Federacije BiH“, na internet stranici FIA-e, kao i na oglasnoj tabli suda.
3. Razrješava se dužnosti stečajni upravnik Lončar Željko iz Travnika, Fatmići b.b.
4. Po pravosnažnosti ovog Rješenja, isto će biti dostavljeno registru Općinskog suda u Livnu radi brisanja stečajnog dužnika.
5. Obavještavaju se stečajni dužnik, stečajni upravnik i povjerioci da pravne posljedice zaključenja stečajnog postupka nastupaju osam dana nakon objavljivanja ovog Rješenja u „Službenim novinama Federacije Bosne i Hercegovine“

### Obrazloženje

Rješenjem Općinskog suda u Livnu broj 68 0 St 085707 25 St od 20.03.2026. godine otvoren je stečajni postupak nad imovinom stečajnog dužnika „GAME“ d.o.o. Tomislavgrad sa sjedištem u Tomislavgradu, Kovači b.b., MBS:1-1660, JIB:4281000270001. Istim Rješenjem za stečajnog upravnika imenovan je Lončar Željko iz Travnika, Fatmići b.b.

Oglas o otvaranju stečajnog postupka objavljen je u „Službenim novinama Federacije Bosne i Hercegovine“ broj 27/26 od 10.04.2026. godine.

Ročište za ispitivanje prijave potraživanja povjerilaca održano je dana 19.05.2026. godine pred Općinskim sudom u Livnu u prisustvu stečajnog upravnika, punomoćnika, Poreske uprave FBiH, Kantonalni poreski ured Livno i punomoćnika Uprave za indirektno oporezivanje BiH, Regionalni centar Mostar.

Na navednom ispitnom ročištu ispitane su podnesene prijave potraživanja od strane povjerilaca, te su priznata potraživanja opšteg isplatnog reda u ukupnom iznosu od 141.271,96 KM i to potraživanja, Poreske uprave FBiH, Kantonalni poreski ured Livno u iznosu od 58.870,92 KM i Uprave za indirektno oporezivanje BiH, Regionalni centar Mostar u iznosu od 82.401,04 KM.

Nakon ispitnog održano je odmah i izvještajno ročište na kojem je stečajni upravnik ostao kod izvještaja o ekonomsko finansijskom položaju, detaljno obrazlažući isti, te navodeći da stečajni dužnik već duži period ne obavlja djelatnost, da je u bilansu stanja na dan 31.12. 2024. godine prepisano stanje iz 2019. godine i da iskazana imovina u materijalnom obliku ne postoji, zatim da

stečajni dužnik u svome vlasništvu nema ni pokretne ni nepokretne imovine da je račun dužnika blokiran. Predložio je da se usvoji izvještaj stečajnog upravnika, da zainteresovani povjerioci na ime troškova daljeg vođenja stečajno postupka uplate iznos od 10.000,00 KM, a da se u suprotnom zaključi stečajni postupak zbog nedostatka stečajne mase.

Prisutni povjerioci nisu imali primjedbi na Izvještaj stečajnog upravnika te je isti usvojen u cjelosti, a sud je pozvao povjerioce da u roku od 8 dana od dana održavanja izvještajnog ročišta uplate iznos od 10.000,00 KM ako su zainteresovani za dalje vođenje stečajnog postupka, uz upozorenje da će se stečajni postupak zaključiti zbog nedostatka stečajne mase, ukoliko ne uplate navedeni iznos u ostavljenom roku, shodno članu 196. Zakona o stečaju FBiH (Sl. novine FBiH broj 53/21 i 19/25).

Naime, odredbom člana 196. stav 1. Zakona o stečaju FBiH (Sl. novine FBiH broj 53/21 i 19/25) je propisano da ako se nakon otvaranja stečajnog postupka ispostavi da stečajna masa nije dovoljna za pokriće troškova stečajnog postupka, stečajni sudija će zaključiti stečajni postupak, dok je stavom 2. istog člana propisano da se postupak neće zaključiti ako se predujmi dovoljan novčani iznos.

Obzirom da stečajni povjerioci u ostavljenom roku nisu uplatili predujam u cilju nastavka vođenja stečajnog postupka, da stečajni dužnik nema imovine iz koje bi se naplatili troškovi stečajnog postupka, to je sud shodno odredbi člana 196. Zakona o stečaju FBiH (Sl. novine FBiH broj 53/21 i 19/25), donio odluku kao u izreci ovog rješenja.

Stečajni sudija  
Zoran Bajić

Pouka o pravnom lijeku:

Protiv ovo rješenja stečajni povjerioci i stečajni dužnik imaju pravo žalbe Kantonalnom sudu u Livnu u roku od 8 dana od dana objavljivanja ovog rješenja u „Službenim novinama Federacije BiH“.